



*Iesus donne la veuë à vn aveugle nay, dont le simple peuple reçoit edification, & les Pharisiens scandale.*

**O** MME Iesus regardoit vn homme aveugle dés sa natiuité, ses Disciples l'interrogerent, disans : Maistre, qui a peché, cettuy-cy, ou son pere & sa mere, pour estre nay ainsi aveugle ? Ne cettuy-cy (dit-il) n'a peché, ne son pere ne sa mere, mais c'est afin que les œuures de Dieu soient manifestées en luy. Puis ayant presché ses Disciples sur le point de sa vocation, oignit de bouë meslée de sa salive les yeux de l'aveugle, & luy dist, Va te lauer au lauoir de Siloé : ce qu'il fit, & reuint clair-voyant, dont ses voisins s'émerueilloient fort : mais il leur recita comme celuy qu'on nommoit Iesus, l'auoit guarý. Adonc ils dirent, Où est cettuy-là ? il dist, Je ne sçay. Ils le menerent aux Pharisiens, qui pareillement voulurent sçauoir comment il auoit recouuert la veuë ; & il leur dist Il m'a mis de la bouë sur les yeux, & me suis lauë, & ie voy. Parquoy aucuns des Pharisiens disoient, Cét homme n'est point de Dieu, car il ne garde point le Sabbath : les autres disoient, Comment péut vn homme méchant faire ces signes ? & y auoit dissention entr'eux ; & ils dirent à l'aveugle, Et toy que dis-tu de luy ? Il est Prophete, dist l'aveugle ; lequel ayant depuis rencontré Iesus, l'adora.